

DEPARTAMENTO NG FILIPINO
Sentro ng Kahusayan sa Filipino ng CHED
Kolehiyo ng Malalayang Sining, Pamantasang De La Salle - Maynila

GAWAD LASALYANO
SA HUWARANG GURO SA FILIPINO
(Elementarya)

Rasyonal:

Layunin ng Gawad Lasalyano sa Huwarang Guro sa Filipino na kilalanin at parangalan ang mga pinakatatanging guro sa Filipino. Sila ang mga gurong marangal, kahanga-hanga at puspusang gumagamit at nagtuturo ng wikang Filipino o bilang wikang panturo sa iba't ibang disiplina. Bukod-tangi silang tagapagdaloy at tagapagpatuloy ng intelektuwalisasyon ng Filipino sa akademya at lipunan. Ang kanilang talino, karanasan, at dedikasyon ang nagsisilbing inspirasyon sa mga mag-aaral, kasamang guro, at sa kanilang profesyon sa kabuuan.

Tuntunin:

1. Ang gawad sa taong ito ay bukas sa lahat ng guro sa publiko o pribadong paaralan na nasa **antas-elementarya**. Kailangang mamamayan sila ng Republika ng Filipinas.
2. Tatlong taon ang siklo ng gawad: ang unang taon para sa mga guro sa elementarya, ikalawang taon para sa mga guro sa hayskul at ang ikatlong taon para naman sa mga guro sa kolehiyo at paikot muli.
3. Hindi maaaring sumali ang mga administrador ng paaralan: presidente/tsanselor, kawaksing tsanselor, dekano, pangalawang dekano, direktor, superintendent, at prinsipal. Bukod sa kanila, hindi rin maaaring sumali ang mga sumusunod:
 - a. mga nagwagi sa ibang pambansang gawad o parangal para sa mga guro,
 - b. lahat ng guro mula sa Departamento ng Filipino ng Pamantasang De La Salle – Maynila, at
 - c. mga gurong may administratibo, sibil at kriminal na kasong dinidinig sa kasalukuyan.
4. Para makasali ang mga guro, kailangang dumaan sila sa proseso ng nominasyon mula sa kanilang paaralan/institusyong. Ang nominasyon ay kailangang manggaling sa alinman sa mga pangunahing administrador:
 - a. para sa elementarya/hayskul: mula sa prinsipal o superintendent/supervisor.
 - b. para sa kolehiyo: mula sa tsanselor o dekano.
5. Ang guro ay kailangang may kabuuang sampung (10) taong serbisyo ng pagtuturo.
 - a. Ang 10 taon ay maaaring kombinasyon ng pagiging fulltime/parttime, probationary/ permanenteng guro sa mga paaralan/institusyong pinasukan/pinapasukan.
 - b. Maaaring kabuuang 10 taon mula sa iba't ibang antas (elementarya, hayskul, kolehiyo) subalit ang 6 na taon dito'y para sa antas na sinasalihan.
 - c. Sa kabuuang 10 taon, kailangang Filipino ang itinuturong asignatura o wikang Filipino ang wikang panturo.
6. Narito ang inisyal na pangangailangan:
 - a. liham-nominasyon ng administrador,
 - b. liham-rekomendasyon (mula sa paaralan, sa komunidad, at sa publiko/pribadong sektor)
 - c. sertipiko ng hanap-buhay mula sa administrador (kabuuang sampung taon),
 - d. sertipiko ng pagtuturo mula sa administrador (patunay na Filipino ang itinuturo o wikang panturo),
 - e. pagsagot sa nomination form ng nominadong guro,
 - f. ipadala ang lahat ng ito sa **Hunyo 15, 2008** o bago sumapit ang petsang ito sa:
Huwarang Guro sa Filipino, Komite sa Gawad Lasalyano sa Filipino
Departamento ng Filipino, Pamantasang De La Salle – Maynila
2401 Taft Avenue, Manila 1004 Philippines
7. Magkakaroon ng ebalwasyon ng lahat ng nominasyon mula **Hunyo 16 hanggang Hunyo 26, 2008**. Tatlong finalist na guro ang ipapatawag para sa isang pakitang-turo at interbyu sa **Hulyo 5, 2008** sa Pamantasang De La Salle – Maynila. Kasabay nito, aabisuhan silang magdala ng iba pang dokumento:
 - a. lesson plan
 - b. resulta ng ebalwasyon sa pagtuturo
 - c. mga sertipiko ng worksyap/pagsasanay at kumperensiyang dinaluhan
 - d. at iba pa.
8. Narito ang batayan at pamantayan sa pagpili ng huwarang guro sa Filipino:

Personal at profesyonal na integridad	30%
Kahusayan sa pagtuturo	30%
Riserts at gawaing extensyon	20%
Profesyonal na pag-unlad at pagsasanay	20%
9. Sa unang yugto, pangangasiwaan ng Komite sa Gawad Lasalyano sa Filipino ang inisyal na ebalwasyon at seleksyon ng mga nominadong guro. Sa ikalawa't huling yugto, tatlong hurado ang uupo sa seleksyon ng Huwarang Guro sa Filipino. Dalawa sa mga ito ay batikang guro/manunulat/kritiko/awtor/risertser sa Filipino at ang isa naman ay manggagaling sa Komite ng Gawad Lasalyano sa Filipino.
10. Ipapaalam ang mapipiling Huwarang Guro sa Filipino sa **Agosto 16, 2008**.
11. Tatanggap ng plake at medalya ang hihirangang Huwarang Guro sa Filipino na gagawaran sa **Agosto 29, 2008** sa Pamantasang De La Salle – Maynila.
12. Kung may katanungan hinggil sa Gawad Lasalyano sa Filipino maaaring mag-email sa fildept@yahoo.com.